

858 Bica B. V. 18

CORONELLA

In honorem Immaculatae Conceptionis.

BEATISSIMÆ VIRGINIS.

MARIÆ.

Ex Candore MARIANO

DESUMPTA;

Ad laudandam Sanctissimam

TRINITATEM

Canale. In tres partes Infula Virgin.

DIVISA.

Pientissimis Confratribus ejus-

dem Misterij Cultoribus.

Ut Sanctissimæ Triadi gratias solvant,

Pro excellentijs Gloriosa Virgini *MARIÆ*

COLLATIS,

De novò oblata, &

IMPRESSA.

Cum licentia Superiorum.

CRACOVIAE, Typis Michaëlis Dyaszevski,
S. R. M. Typographi. A. D. 1747.

In Gentilitium Stemma.
Perillustri Reverendissimi
DOMINI MECÆNATIS.



I.

Sub Cruce, parte tenes, partē
cum Matre IOANNES.

Quam colis, Hæc TIBI, nunc
integra Mater erit.

Per Illustri & Reverendissimo
DOMINO,
D. MICHAELI JOANNI
BOBRYKOWICZ,
Canonico Ecclesiæ Cathedra-
lis Chelmenensis, Cancellario
Lublinensi, Præposito
in Kijany &c.
PRÆLATO & MECÆNATI Meo
AMPLISSIMO.

H *Onori Tuo militaturus*
Perillustri Reverendissi-
me Domine Mecænas Amplif-
sime, *ne informis in Tuo Ma-*
jestuoso appaream conspectu, for-
nam à primo instanti Concep-
tionis Nobilissimam, informem
nunquam, nam plenissimâ gra-

Az

tiâ

tiâ Dei formatam, Virginem scilicet Sanctissimam, Immaculatè Conceptam MARIAM, ut pro Te mecum certet assumo; dùm Tibi ad Ipsius Immaculati Cōceptus Honorem, devotiones sequentes pridem luci publicæ datas, nunc dein expositas, supplex offero. Exiles quidem sunt, ast ponderosæ satis, dùm ingentibus Sanctæ Ecclesiæ thesauris onustæ, Tuæq; maximæ protectiōni ex ipso nomine, Michâél quis ut DEUS? ad conservandum jure meritò concredita. Hanc enim Virgineam devotionem servare & promoverè sensus est Tuus quia Ioannis, qui Illam quam Patris potentia Nati Sapientia, amor

amor Spiritûs Sancti ab initio
ante secula fabricavit, sibi
olim pro Matre commendatam
felix accepit in sua. Cum hac
habitare, vivere, aut veriùs per
hanc quæ sibi devotis dat vitâ,
vives Tu Dignissime Mœnas
vita Beata, dabit Tibi Nomen
perenne, in quo dignitas Nobi-
lissimæ Domus Tuæ perennabit.
Scribes pro illa Reverendissimæ
Canonice non jam Apocalipsim,
sed cum Antistite Augustino lib:
12 in Gen: irrefragabiles sequē-
tes Canones. Cum subjectio o-
riginalis peccati, caput sit dia-
boli, tale caput MARIA contri-
vit, quia nulla peccati subje-
ctio ingressum habuit in animā

Virginis, & ideo ab omni macula immunis fuit. *Obsignabis scriptum hoc, legalizatione tua velut sigillô ceu annulô Piscatoris Reverendissime Cancellarie dulcissimo Divi Basilij proloquio:* Quid dulcius Fratres charissimi, quid jucundius, quid salubrius, quid felicius, quàm de Beata VIRGINE loqui, de VIRGINE cogitare! hæc est quæ fuit in utero Matris absq; originali peccato Concepta & generata, ab omni maritali vitio segregata, omni etiam veniali peccato privata, & in cunctis actibus & moribus SPIRITUS SANCTI gratia plena & fæcunda. *Hæc Basilus Serm:*
de

de Annunt: Hôc factô, Gen-
tilitia Tua Arma, prævisâ
Passione CHRISTI redem-
ptam defendent, corda, amore
DEI & MARIE sauciata
innocentiam ejusdem protesta-
buntur, & in signum affe-
ctûs, rosas sine spinis indefes-
sa promotione Tua in odorem
suavitatis, DEO, ANGE-
LIS, & Hominibus ferent,
sicque Divinis charismatibus
formata, usque ad futurum
seculum conservabuntur. Er-
go formam hanc devotionum
de forma, nunquam infirmi
tractantem, suscipe gratus
Mecænas Amplissime, & sic
ejus protectione formatus, post

secula mille; Annis, & Ho-
noribus gravis, in districto
DEI *judicio vacuus non com-*
parebis.

Ita vovet

Perillustris Reveren-
dissimæ Dominationis
Vestræ, Mecænatis
Amplissimi.

Devinctissim^o Servorū Servus;

Fr. Ioannes Capistranus
Polsaniecki C, A. Crac:

Ad Marianum Lectorem.

Monitum te velim Maria-
ne lector, Coronam hanc
*Immaculatæ Conceptionis Bea-
tæ Virginis MARIE*, quoad
substantiam precum, non no-
vam sed antiquam esse, etsi
quoad accidentales Orationes
diversificet. Pro hac recitan-
da & conservanda *in Ordine
Sancti Patris Nostri FRAN-
CISCI*. imò. R. P. Raphaël
de Lgota impetravit à Leone
X. Fratribus Minorum de Ob-
servantia duodecim millia An-
norum, toties quoties illam re-
citaverint, pro reverentia,
VIRGINIS, pro Summo Pon-
tifice

tifice, & Vniversali Ecclesia A.
D. 1521. Idem observavi Romæ,
in Hispanijs, Gallijs, ac No-
stra Polonia, pro qua ulterius
comprobanda, omissis plurib⁹
extraneis auctoribus, sint Tibi
documento domestici. 2dò A.
R. P. Paulus Kozłowski Socie-
tatis Iesu Theologus, qui Co-
ronam hanc quoad Identitatē
precum Varsoviæ in libro So-
dalitatis Marianæ pag: 131. sub
titulo *Corona Minor, ex duode-
cim privilegijs Immaculatæ Cō-
ceptionis B.V.M. cōcinnata cir-
ca A. D. 1647. impressit.* 3tiò.
R. P. Frācisus Dzielowski in li-
bro approbato, intitulato *Cibus
quotidian⁹ Minoritarū eandem
Coronam*

Coronam pag. 230. substantia-
liter explicuit, A. D. 1672.
Cracoviæ edito. 4tò. Eandem
Coronam devotissimè compo-
suit (servatâ precum substantiâ)
Illustri Clarissimus & A. R. D.
Magister Stanislaus Filipowicz
Sacrae Theologiae in Alma Vni-
versitate Cracoviensi Profes-
sor, Collega Major, S. FLORIA-
NI Canonicus, & Ecclesiae Igo-
lomienfis Curatus, ac Promo-
tor Immaculae Conceptionis
Confraternitatis Indefessus, &
Typo expressit Stylò Polonicò
A. D. 1737. Vnde cum Sanctis-
simus Dominus iam in Caelis cū
DEO regnans *Benedictus XIII.*
A. D. 1727. Bullam pro Ordi-

ne Minorum ad ampliandum
Cultum *Immaculatae Conceptionis* extradiderit, & in Illa specialem de Corona B. V. M. in festi ejusdem *Conceptionis* obsequium ritè composita mentionem fecerit, ac Confraternitates *Immaculatae Conceptionis*, tam erectas quàm erigendas in Ecclesijs Nostrijs, ad omnes Indulgentias SS. Rosarij ac Scapularis admiserit: Ideo Nostræ Confraternitatis *Immaculatae Conceptionis* Fratres & Sorores, servatâ proportionem in omnib⁹, has Indulgentias participatè, sibi appropriare licitè & liberè possunt, quarum Seriem ex Indulgentijs SS. Rosarij desumptam

ptam, a comode post Bullâ subsequentem ad Omnipotentis DEI laudem, Immaculatæ Parentis Honorem, S. Ecclesiæ utilitatem, & Animarum salutem Tibi propono: *Vale.*

Sanctissimi in Christo Patris & Domini Nostri.

B E N E D I C T I XIII.

Pont: Max:

CONSTITVTIO.

PRO institutione Archiconfraternitatis Conceptionis Deiparæ Virginis, in hujus Ecclesiæ urbana de Aracæli Conventus Fratrum Minorum, qui de Observantia nuncupantur.

R O M Æ MDCCXXVII,

Ex Typographia Reg: Camera Apostolica.

A 7 BENE-

BENEDICTVS EPISCOPVS.

Servus Servorum DEI.

Ad perpetuam rei memoriam.

1. **E**X quo Sedes Apostolica
diem festum in honorē
Conceptionis B. M. V. Immacu-
latæ suprema sua auctoritate o-
lim instituit, cælestibus indul-
gentiarum thesauris eum dita-
re, precibusq; Christi fidelium
pro illo pie celebrando, sibi
porrectis, benignas frequenter
aures præbere consuevit. Qua-
re nos quæq; Romanorum Pon-
tificum prædecessorum nostro-
rum vestigia sectantes, suppli-
cibus petitionibus, quæ nobis
pro cultu erga eandem Beati-
ssimam Virginem per alicujus
sodalitatis

sodalitatis erectionem promo-
vendo, porriguntur, libenter
aſſuimus. II. Itaꝓ; dilectus fili-
us, Fr. Iosephus Maria ab Ebo-
ra Procurator generalis Ordini-
nis *Fratrũ Minorũ B. FRAN-*
CISCI, de Observantia nuncu-
patorum, exponi nobis fecit,
huiusmodi Fratres, qui Cælorũ
REGINÆ verbo & scriptis augẽ-
dæ venerationis in terris usꝓ; à
primo sui Ordinis exordio stu-
diosissimos sese ostenderunt, &
piarum precum, quas Coronam
B. M. V. vocant, recitatione,
Christi fidelibus proposita, la-
crisꝓ; laudibus in festi ejusdem
Conceptionis obsequium, rite cõ-
positis, alijsꝓ; quam plurimis ar-
gumentis

gumentis suum erga prædictam
Virginem devotionis affectum
ferventiùs confovere non desti-
tuerunt, nec desistunt, summo-
pere optare, ut Christianus po-
pulus ad pia opera sub auspicijs
ejusdem *Conceptionis B. M. V.*
Immaculatæ excitetur; & pro-
pterea in Ecclesia eorum Con-
ventus, *S. MARIÆ de Ara-
celi* nuncupatæ, de Vrbe, unam
utriusq; sexus Archiconfrater-
nitatem auctoritate nostra insti-
tui postulare sub invocatione
ejusdem *Conceptionis*, illamq;
postquam, ut infra, erecta & in-
stituta fuerit in locum Archicō-
fraternitatis etiam *Conceptio-
nis B. M. V.* nuper certis de
causis

causis, tunc adductis, in insigni,
ſæculari, & Collegiata Eccleſia
S. LAURENTII, in *Damaſo* nun-
cupata, de eadem Vrbe, per
Nos ſuppreſſæ & extinctæ, quo-
ad indulgentias, privilegia ac
indulta ſpiritualia tantum ſub-
ſtitui & ſubrogari, ac alia ei per
Nos, ut infra concedi, & imper-
tiri. III. Nos, qui Ordinem
prædictum, de Eccleſia Catho-
lica optimè meritum, ſemper
eximia dilectione proſecuti ſu-
mus, corundem Fratrum pro-
poſitum plurimum in Domino
commendantes, ac *Conceptionis*
ipſius Virginis DEI Matris
MARIÆ cultum & venerati-
onem augere, animarumq; la-
lutem

lutem paterna caritate promo-
vere cupientes, dictumq; Iose-
PHUM MARIAM specialis favo-
re gratiæ prosequi volentes, &
à quibusvis excommunicatio-
nis, suspensionis, & interdicti,
alijsq; Ecclesiasticis sētētijs, cē-
suris & pænis, si quibus quomo-
dolibet innodatus existit, ad ef-
fectum præsentium tantum cō-
sequendum, harum serie absol-
ventes, & absolutum fore cen-
sentes, supplicationibus, illius
nomine nobis super hoc humi-
liter porrectis, inclinati, dile-
cto filio moderno Ministro, sive
in ejus defectu, Vicario, aut
Commisario Generalibus toti⁹
Ordinis prædicti, harum serie
indul.

indulgemus, ut in dicta Eccle-
sia *S. MARIAE de Araceli* de
Urbe unam utriusq; sexus Chri-
stifidelium Archiconfraternita-
tem, quæ non sit pro hominib⁹
unius specialis artis, sub eadem
invocatione & denominatione
Conceptionis *B. M. V. Imma-
culatæ*, auctoritate nostra Apo-
stolica erigar atq; instituat ad
omnipotentis DEI laudem, a-
nimarumq; salutem, & ejusdē
B. M. V. honorem cum privi-
legijs, ab Apostolica Sede col-
latis, quibus Archiconfraterni-
tates *SS. Rosarij, ac B. M. V.
de Monte Carmelo*, & quē nos
ipsi professi sumus, *Fr: Prædi-
catorum*, & ejusdem *B. M. V.*

de

de Monte Carmelo, Ordines, ex-
ceptis tamen Indulgentijs, his
Ordinibus quomodolibet con-
cessis, utuntur, fruuntur &
gaudent, dilecti filij nostri in
Urbe prædicta ejusq; districtu
Vicarij in Spiritualibus Gene-
ralis, vel cujusvis alterius licē-
tia desuper minime requisita,
utq; eandem Archiconfrater-
nitatem sic, ut præfertur, eri-
gendam, eidē primodictō Or-
dini pro infra-scripta participa-
tione indulgentiarum, eidem
concessarum, ac piorum operū,
per illius Fratres exercendorū,
uniat & incorporet, Apostoli-
ca auctoritate prædicta, teno-
re præsentium, facultatem con-
cedimus

cedimus & impertimur. Cete-
rum, ut Christi fideles spiritua-
lium gratiarum & privilegiorū
muneribus illecti, se eidem Ar-
chiconfraternitati alacrius in-
scribant, nos eam substituimus
& subrogamus in locum alte-
rius Archiconfraternitatis *Con-*
ceptionis B. M. V. per nos in
prædicta Ecclesia S. LAUREN-
TII in *Damaso*, ut præfertur, sup-
pressæ & extinctæ, quoad par-
ticipationem indulgentiarum,
privilegiorum, facultatum, in-
dulgentiarum, aliarumq; grati-
arum spiritualium, quibus ulti-
modicta Archiconfraternitas
tempore suppressionis, & ex-
tinctionis gaudebat & gaudere
poterat

poterat; dummodo Sacri Concilij Tridentini decretis non adversentur; non vero eandem Archiconfraternitatem subrogamus in locum alterius quoad jura quæcumq; conferendi, & nominandi, ac temporalia bona quæcumque. IV. Insuper indulgentias per felicis recollectionis Iulium Papam II. alijsq; Romanos Pontifices predecessores nostros concessas, *ad deferentes & pie recitantes d. Etam Coronam B. M. V. per Fratres jam dicti Ordinis benedictam*, eisdem modo & forma, quæ à Confratribus dictæ Archiconfraternitatis SS. Rosarij observantur, auctoritate nostra
tenore

tenore præsentium extendimus
& ampliamus cum quibuscūq;
alijs indulgentijs & gratijs spi-
ritualibus, quæ Confratribus
quarumcumq; Confraternitatū,
sub eadem invocatione Conce-
ptionis *B. M. V.* hætenus ubi-
cumq; erectarum, quas firmas
esse volumus; ac tribus Ordinib;
B. FRANCISCI, huc usq; per
Romanos Pontifices quomo-
delibet, respectu ve, concessæ
fuerunt; earum omnium tam
sub plumbo, quam in forma
Brevis confectarum literarum
tenores, ac si præsentibus de
verbo ad verbum infererentur,
pro expressis & insertis habentes;
Ministro autem, seu Vica-
rio

rio vel Commissario Generali-
bus primodicti Ordinis, nunc,
& pro tempore existentibus, te-
nere earundem præsentium cō-
cedimus pariter & indulgenti-
as ut utriusq; sexus Confraterni-
tates sub prædicta invocatione
Conceptionis *B: M. V. Imma-
culatæ*, ubi vis locorum, tam in
eorundem Fratrum primodicti
Ordinis, quam in quibuscumq; a-
lijs Ecclesijs vel Oratorijs, sub
eorum directione, aut regimi-
ne quomodolibet existentibus,
vel non existentibus, erigere &
instituire possint, nec non eas-
dem & quascumq; sub eadem
invocatione ad præsens cano-
nice erectas & institutas, & im-
posterū

posterum Canonice erigendaſ
& instituendas Confraternita-
tes, & quò ad erectas & insti-
tutas, prævia ceſſatione & re-
vocatione quarumcumq; alia-
rum indulgentiarum, ipsis quo-
vis modo per viam cuiusvis ag-
gregationis, & communicatio-
nis cuiſibet Archiconfraterni-
tati, aut alias conceſſarum, di-
ctæ Archiconfraternitati, ut
prædicitur, erigendæ aggrega-
re libere & licite valeant, ſer-
vata tamen forma. Conſtitu-
tionis piæ memoriæ *Clementis*
Papæ VIII. ſimiliter prædeceſ-
ſoris noſtri, ſuper dictarû Con-
fraternitatum erectionibus &
aggregationibus editæ, priva-

B tive

tive quòad alios, circa hujus-
modi erectiones, impofterum
faciendas. 5^{to} Decernentes,
easdem præfentes nullo unquã
tempore de fubreptionis vel
obreptionis, aut nullitatis vi-
tio, vel intentionis noftræ, feu
quopiam alio defectu notari,
impugnari, invalidari, retra-
ctari, aut revocari ullatenus
unquam poffe, fed illas femper
& perpetuò validas exiftere,
fuosq; plenarios & integros ef-
fectus in omnibus & per omnia
fortiri & obtinere, ficq; & non
alias, per quoscunq; iudices or-
dinariorum vel delegatos quavis
auctoritate fungentes, etiam
caufarum Palatii Apoftolici au-
ditores

ditores, ac S. R. E. Cardinales, etiã de latere Legatos, judicari & definiri debere, ac irritum quoq; & inane, quidquid secus super his à quoquam quavis auctoritate, scienter vel ignoranter contigerit attentari. Etò Non obstantibus piæ memoriæ antecessorum nostrorũ, ejusdem *Clementis Papæ VIII.* & *Pauli V.* similium gratiarum revocatoria seu moderatoria, alijsq; Constitutionibus & ordinationibus Apostolicis, necnõ, quatenus opus sit, nostris & Cancellariæ Apostolicæ regulis de indulgentijs non concedendis ad instar, ac de jure quæsito non tollendo, primodictiq; Or-

dinis etiam juramento roboratis, statutis & consuetudinibus, ceterisque contrariis quibuscunque. 7^{mò}. Volumus autem, ut Confraternitatum, quas imposterum Archiconfraternitati ut prædicitur, erigendæ aggregari contigerit, officiales seu administratores pro redditione rationis administrationis bonorum temporalium, Ordinariis locorum subjecti permanent. 8^{mò}. Nulli ergo omnino hominum liceat hanc paginam nostræ concessionis, impartitionis, substitutionis, subrogationis, extensionis, ampliationis, indulti, & absolutionis infringere, vel ei ausu temera-

rio

rio contraire. Si quis autem
hoc attentare præsumferit, in-
dignationem omnipotentis Dei
ac Beatorum PETRI & PAULI
Apostolorum ejus se noverit
incursum.

*Datum Roma apud S. PETRUM
Anno Incarnationis Dominica millesimo
septingentesimo vicesimo septimo, Kalē,
dis Aprilibus, pontificatus nostri Anno
tertio.*

P. Card. Prodaturus.
Pro Domino Cardinali
Oliverio.


C. Archiepiscopus E-
missenus.

V. I. S. A.

De Curia I. Archiepiscop⁹ Ancyran⁹
Lucas Martinettus. *Registrata in Se-
cretaria Brevium.*

B 3

INDUL-



I N D U L G E N T I Æ.

Confraternitati Immaculatæ Conceptionis B. V.
MARIE, apud Fratres Minores de Observā
tia Ciacoviæ erectæ, à Benedicto XIII. per
Bullam: *Ex quo Sedes Apostolica:* in per
petuum concessæ,

- I. **Q**ui nomen suum dat ad Album Confraternitatis confitendo & communicando prædicæ, lucratur Indulg. plenar.
- II. **Q**ui in Festo Immac. Conc. B. V. M. Vel intra ipsius octavā confitetur, lucratur Indulg. plenar.
- III. **Q**ui potest confiteri, Vel saltem Nomen IESV proferre in articulo mortis, tam Fr. quam Soror lucratur Ind. plenar.
- IV. **Q**uilibet Frater & Soror manentes in Festis Purificationis, Annuntiationis, Assumptionis & Nativitatis B. V. M. de voti lucr. Indulg. plen.
- V. **Q**ui assistunt Missæ cantatæ cum expositione Sanctissimi pro Fundatoribus & Confratribus, primo Sabbato Mensis dici solita lucr. Indulg. plē.
- VI. **Q**ui assistunt Processionibus Confraternitatis, lucratur Ind. plen.
- VII. **Q**ui visitant altare Confraternitatis, lucr. Ind. plen.
- VIII. **Q**uienq; Sacerdos recitans Missam pro Anima Confratris Vel Sororis, lucr. Ind. plen. & liberat Animam Ejus de purg.
- IX. **Q**uicunq; Sacerdos cantans Vel dicens Missā de Immaculatæ Conceptionis, qua incipit: Egre-
dimini. lucr. Indulg. plen. pariter & illi qui
curant.

*curant, ut cantetur Vel dicatur ante Altare
Immac. Concept. Confraternitatis.*

X. *Qui recitant Coronam Immaculatae Conceptionis B. V. M. lucrati Indulg. plenar.*

XI. *Omnes Fratres & Sorores, in festis Desponsationis, ad Nives, Praesentationis, & Expectationis partus, B. V. M. lucr: Ind. 7. Annorum & totidem quadragenarum.*

XII. *Qui recitando Coronam Imm. Conc. offert illam pro Anima alicujus, & curabit Nomen illius albo dare Confraternitatis confitendo &c. animam illius de purgatorio liberabit.*

XIII. *Qui penes se porsabit Coronam, ita ut ab alijs videatur, ducentorum Annorum Indulgentiam lucrabitur cum totiadem quadrag.*

XIV. *In omnibus alijs totius Anni Sabbatis, qui adsunt Missa Solemni ut supra dici solita, centum dierum Indulg. lucrantur.*

XV. *Qui assistant electionibus Confraternitatis centum dierum Indulgentijs gaudent.*

XVI. *Pro omni opere bono, pro Eleemosynis huic Confraternitati oblatis, & alijs pijs, operibus, quilibet 60. dierum Indulgentias consequitur,*

I N F O R M A T I O.

CORONA Immaculatae Conceptionis B. M. V. pro Ave Maria, debet habere globulos Albos, ad demonstrandam innocentiam Sanctissimae Matris, pro Pater noster, globulos Rubros, seu purpureos ad indicandam Regiam Ipsius Majestatem. In funiculo colorem Caeruleum ad representandam Ipsius exaltationem supra Caelos & omnem Creaturam.

Semper honos Nomenq; Tuum
laudesq; manebunt.

Benedi-
cta sit
Sancta,
& Imā-
culata



Spes mea Virgo pia, Virgo Sacra,
Virgo MARIA.

Conce-
ptio
Beatæ
Virginis
MARIE

*Supra scriptā Oratiunculā qui recitaſerit de-
ſotē, toties quoties id fecerit, conſequitur Indulg:
ſentū annorū à Greg: XV. in Aō 1621. conceſſā.*

ORACULA

Sanctorum Patrum.

Pro incitatione Lectoris ad ferventē Devotionē erga Immaculatē Conceptam Virginem.

APPPOSITA:

Sicut primus Adam formatus fuit ex terra, antequam esset maledicta, ita secundus Adam formatus est ex terra Virginea nunquam maledicta. *S. Andr: Apost: scribit Abdias l. 4 Historiæ in ejus gestis.*

O MARIA! quam felix es, & fortunata, quæ initio, & ante sæcula, & in initio Viarum Dei, ap ipso electa fuisti, & Adæ peccatō prævīsō, non fuisti

B 5 cum

cum omnibus alijs condemna-
ta, sed voluit DEUS, ut merita
Filij Tui Tibi super omnes pro-
dessent, Teq; pro minimo mo-
mento voluit inimicā, sed sem-
per pro charissima amica. *S.*
Thom: Apost: serm. de tran. Virg:
B. apud Amadeum rap. 8.

Hoc est Corpus: hic est Sā-
guis D.N. IESU CHRISTI, quod,
& quem assumpsit ex Domina
nostra, & Immaculata Virgine
MARIA. *S. Marcus Evang. in*
sua Liturgia.

Credo, dico, assero, & juro
Beatissimam Virginem nostrā,
in æterna prædestinatione, sin-
gulari privilegio munitam, nec
à sua Conceptione in aliquo vi-
olatam.

olatā, sed semper mansisse, ac
permansisse illibatam. *S. Petr:
Cluniacensis Epist. 10. ad Ni-
col. Tom. 12.*

Sanè DEUS æternus, sicut
mirā sapientiā creavit omnia,
sic Benedictam suam Matrem
talem condidit, & sanctificavit
in tempore, qualē decebat ha-
bere suam gloriosissimam Ma-
jestatem. *S. Bernardinus Senē-
sis, serm: 52.*

ORACVLVM

Æternæ Veritatis.

Cuidā Sanctæ Animæ declaratū

NE dubites amica mea, sed
pro certo habeas, quod
postquam rebelles Angeli de
Cœlo ad tartarū sunt detrusi,

boni Angeli in gratia Dei æternum confirmati, omni annò Festum Conceptionis dilectissimæ meæ Genitricis in Coelesti curia, solemniter celebrârunt; cū enim in mente Divina illam noverint ex singulari privilegio, ab æterno præservatam, ideo ab Angelis talis Mariæ præservatio festivissimè solemnizata est. Scias præterea, eum, qui devotè in terris hanc ipsam Festivitatem celebrabit, veniam peccatorum consecuturum, & post temporalem hanc vitam, æternâ tandem in Coelis perfruiturum. *Hæc sunt verba Christi, ex Bernardino de Busti serm. 8. de Concep. Et Iosep. Zoller desumpta.*

In

In reliquo, me, & omnia in
hoc opusculo contenta, subij-
cio Sanctæ Romanæ Ecclesiæ
Iudicio.

✠:*****✠

C O R O N E L L A

In honorem Immaculatæ Conceptionis

BEATISSIMÆ VIRGINIS

M A R I Æ,

C O N S C R I P T A,

Et Pientissimis Confratribus ejusdem Mi-
sterij Cultoribus

O B L A T A,

[Ad laudandam Sanctissimam

T R I N I T A T E M

In Tres Partes

D I V I S A,

Ut Sanctissimæ T R I N I T A T I gratias
solvant pro Excellentij Gleriosæ Vir-
gini M A R I Æ collatis hoc modo

R E C I T A N D A.

B 7

Primo

Primò præmittatur Symbolū,
seu Fidei Confessio Apostolica
per Credo in unum DEUM, &c.
quò recitatô.

Pro prima Parte Coronæ di-
catur Pater noster, & quator
Ave MARIA: quibus finitis, gra-
tiæ agantur DEO Patri Omni-
potenti, & offeratur hæc pars
Coronæ modò sequenti.

Offero tibi PATER Æterne
hanc partem Coronæ Im-
maculatæ Filiae tuæ in plenam,
& integram adorationem San-
ctissimæ Personæ tuæ, gratias
agens infinitas Majestati tuæ
pro quatuor donis specialiter
per te integerrimæ Virgini MA-
RIÆ Filiae tuæ collatis.

I. Quod

1. Quod illā ab æterno ordinaſti in Matrem Vnigenito Filio tuo.

2. Quòd illam in Conceptione ab originali peccato præſervaviſti.

3. Quod illam omnibus gratijs tuis exornaviſti.

4. Quòd illam ab omni peccato actuali immunē ſervaviſti.

Pro his favoribus tibi ſit ſūma laus, honor, & gloria, in ſæcula, Amen.

Pro ſecunda Parte Coronæ dicatur Pater noſter, & quatuor Ave MARIA, reddanturq; gratiæ Vnigenito DEI Filio, & offeratur hac pars modo ſequenti.

Offero

Offero tibi Æterne Fili IESU
CHRISTE, mundi Salvator,
hanc secundam partem Coro-
næ, in honorẽ Immaculatæ Cõ-
ceptionis Sanctissimæ MATRIS
tuæ MARIÆ, & tui supremam
laudem; gratias agens tibi, pro
donis, ipsi collatis, & præcipuè.

1. Quòd illam per Angelum
Gabrièlem v. sicâsti, & Incar-
nationem tui in Sanctissimo V-
tero ejus nuntiasti.

2. Quòd in eodem Sancto
Vtero Naturam nostram assum-
psisti, & Homo factus es.

3. Quòd de illa sine dolore
nasci dignatus es.

4. Quòd illius dulcissimis ube-
rib⁹ lactari mirabiliter voluisti.

Pro

Pro his privilegijs sit tibi
summa laus, honor, & gloria in
sæcula.

*Pro tertia parte Coronæ dic
Pater noster, & quatuor Ave
MARIA, & hanc offeras cū gra-
tiarum actione Spiritui Sanctis-
simo: sic.*

Offero tibi hanc tertiā par-
tem Coronæ Immaculatæ
Sponsæ tuæ MARIE SPIRITUS
Sanctissime in honorem, & ex-
altationem donorum tuorum,
gratias tibi agens infinitas,
quòd specialiter his exornasti
Sanctissimā Animā V. MARIE,
Patronæ meæ, & præcipuè.

1. Quod illam in caput Vir-
ginum evexisti.

2. Quòd

2. Quòd illi Coronam Martirij non dencgâsti.

3. Quòd illam Magistrā Apostolorum fecisti.

4. Quòd illam cum Corpore, & Anima ad Cœlum assumpsisti, & supra omnem creaturam extulisti.

Pro his favoribus sit tibi sūma laus, honor, & gloria in sæcula sæculorum, Amen.

Gloria Patri, & Filio, & Spiritui Sancto.

Sicut erat in principio, & nunc, & semper, & in sæcula sæculorum, Amen.

ψ. Cum jucunditate Immaculatam Conceptionem Virginis MARIE recolamus.

R, Vt

R. Vt ipsa pro nobis interce-
dat ad Dominum nostrum IESUM
CHRISTUM Filium suum.

O R E M V S.

DEus, qui conceptam sine
macula originali Sanctissi-
mam Virginē MARIAM, Matrē
tuam Apostolo tuo IOANNI in
Corona duodecim stellarū splē-
didissima revelāsti; da nobis fi-
delib⁹ tuis, ipsa intercedente,
qui in terris duodenas excellē-
tias ejus recolimus, ut coronā
immortalis gloriæ tuæ corone-
mur in cælis. Qui vivis, & re-
gnas cum DEO Patre, in unitate
Spiritūs S. DEUS per omnia sæ-
cula sæculorum, Amen.

DE-

DEFENSORES
Immaculatæ Conceptionis
Beatissimæ Virginis
M A R I Æ,

Illa VIRGO, illa MARIA, illa,
SANCTA, præservata fuit à
peccato originali in primo in-
stanti suæ Conceptionis & li-
bera ab omni culpa, & qui ita
non senferit, non consequetur
salutem æternam. *S. IACO-*
BVS Major apud Copecium
d. f. 1. de Conc. & apud Ve-
lasquez fol. 339. ex Iosepho
Zoller, pag: 186.

CRede filia, quoniam rectè
sentiunt omnes ij, qui me
præ-

præservatam ab originali macula, & credunt & konfidentur: male autem, qui contrarium sentiunt, præsertim si opinioni illi cum temeritate adhæreant. *Ex rev: S. BRIGITÆ. Trithemius in Chron: Hirsaug: Annó 1369.*

DOCTOR ANGELICVS

Explicat sensum Lectionis suæ
in 3. parte summæ positæ.

Fantino Antistiti Pataviēsi
In hæc Verba.

SCias Domine Episcopo;
quia, quando talem opinionem posui, habui respectū ad Divinum Statutum, quia Beata VIRGO peccatum originale

nale contrahere debebat, ni-
si per Filium suum fuisset præ-
servata. Sed DEI FILIVS,
Matrem suam ab originali
macula præservavit. Ex R. P.
Iosepho Bogucki SOCIETA-
TIS IESV Theologo in lib.
intit: Festum Innoc: pag: 82.
Status Univerfus.

A Primis Ecclesiæ sæculis,
nullus fuit Imperator, nul-
lus Rex, nullus vir sanguine
& statu Illustris, qui piam de
Immaculata Conceptione o-
pinionem non fuerit professus.
Idem R. P. Bogucki ex P.
Mendo pag. 45. libro eodem.

Dicò primò quod Domina
nostra fuit plena gratia

in

ni. in sua sanctificatione, gratia
æ. scilicet præservativa, contra
S, sæditatem originalis culpæ,
ali quam contraxisset, in Conce-
P. ptione naturæ, nisi speciali
A. gratia fuisset præservata, præ-
b. ventaque. S. BONAVEN-
32. TURA Doctor Eccl: Seraph:
Serm: 2. Iosephus Zoller,
S, pag: 69.


ul. CVM omnimodo constet,
ne ab originali contagio so-
de la gratia, mundatam esse Ma-
o. riam: quippe cum & nunc in
is. Baptismate, sola hanc macu-
P. lam lavet gratia, & sola eam
m. raserit olim petra circumcisi-
na onis, ut omnino pium est cre-
ia dere, proprium Maria deli-

ctum

Etum non habuit. S. BE-
NARDVS Abbas *serm.*
de Assump: Iosephus Zoller,
pag: 65.

Non enim tantum dolet a-
nima cum à corpore a-
vellitur, quantus dolor est,
Te Immaculata privari. S.
GERMANVS *de dormit*
B, V. M. Iosephus Zoller
pag: 151.

Sola illa electissima DEI Mater hoc habet
quod in initio essendi, sub nequitia mali-
gni deficere nequivit: puta, quod in cre-
atione, rationalis anima in corpore, &
separatione à corpore, in potestate maligni
nunquam fuit. Sola igitur gloriosissima Vir-
go, non reperitur tempore ullo, peccato ori-
ginali iubiaccuisse. Nicolaus Cusanus, *lib 8*
in Cant, & Iosephus Zoller, *pag. 254.*



LITANIA DE B. JOANNE CANTIO.

K Yrie eleison, Christe eleysen,
Kyrie eleison.

Christe audi nos. Christe exaudi nos.
Pater de Calis DEUS, Miserere nobis.
Fili Redemptor mundi DEUS, Miserere
Spiritus Sancte DEUS, Miserere nobis.
Sancta Trinitas unus DEUS, Miserere
B. JOANNES CANTI, Ora pro nobis.
Viv inclyte, Ora pro nobis
Pater clementissime, Ora pro nobis
Confessor Venerabilis, Ora pro nobis
Famule IESU Christi,
Deiparae Virginis cultor,
Mentium Beatarum imitator,
Hic celestis,
Polonorum decus,
Incola & tutor Cracoviae,
Alumne Sanctae ANNAE,
Honorificentia populi Christiani
Tax virtutum,
Speculum innocentiae,
Regula perfectionis,

Ora pro nobis

Sacrarium timoris Domini,
Operator miraculorum,
Solicitator mortuorum,
Firmamentum Academicum,
Doctor pacis,
Gloria Sacerdotum,
Sydus fulgens Ecclesiae
Contemptor mundi,
Domitor carnis,
Victor Sathanæ,
Patrone Studiosorum,
Magister ignorantium,
Lucerna ardens amore proximi,
Salus infirmorum,
Nutritie pauperum,
Refugium afflictorum,
Lumen caecorum,
Vita morientium.
Liberator captivorum,
Exorator peccatorum,
Portus naufragantium,
Custos peregrinantium,
Auxiliator parturientium,
Præco Iudicii Divini,
Tutelaris & Patriarcha noster,
Consors Sanctorum omnium.
Peccatores, Te rogamus audi nos,
Ut

Ut nos ab omni calamitate genere
custodire digneris Te rogamus.

Ut toti Regno, Ecclesiæ, & Academæ
patrocinari digneris, Te rogamus.

Ut nobis pacem, gratiam, & vitam
æternam impetrare digneris, Te ro-
gamus audi nos

Agnus Dei, qui tollis peccata mundi,
Parce nobis Domine.

Agnus Dei, qui tollis peccata mundi,
Exaudi nos Domine.

Agnus Dei, qui tollis peccata mundi,
Miserere nobis.

Christe audi nos. Christe exaudi nos.
Kyrie eleison, Christe eleison.

Kyrie eleison.

Pater noster, Ave MARIA, &c.

¶ Ora pro nobis B. JOANNES CANTI

R. Ut digni efficiamur promissionibus
Christi. O R E M U S.

O Mnipotens sempiternus DEUS. qui
Peatum JOANNEM CANTIUM,
Coris florentium atq; nostrum apud
te Patronum eligere dignatus es: præ-
sta quæsumus, ut quicquid mali pec-
catorum nostrorum turpitudine, dicto,
facto, & cogitatione promeruerimus aut
nos,
Ut
scienter

ſcienter, vel ignōranteſ commiſimus
ejus piā interceſſione, ab omnium in-
micorum adverſitatibus, ac triſtitia men-
tis & corporis liberari mereamur. Per
Dominum noſtrum JESUM Chriſtum
Filium tuum, qui tecum vivit & regnat, &c.

Domine DEUS noſter, qui ſpecia-
liter gratia Sanctos eligis, da nobis qua-
ſumus per munus tuæ gratiæ Beato Do-
ctori IOANNI CANTIO ſingulariter,
affatim tributæ, ut in ipſo te laudemus
vitamq; illius imitantes, ejus in omnibus
interceſſionem ante conſpectum tuum
referamus. Per Dominum noſtrum &c.

DEUS tuorum gloria Sanctorum pre-
ſta quaſumus, ut per interceſſione
B. IOANNIS CANTII ab omnibus libe-
remur malis animæ & corporis, & ad vi-
tam perducamur ſempiternam. Per Do-
minum noſtrum &c. Amen.

Ad S. SEBASTIANUM.

Sancte Sebaſtiane, magna eſt Fides tu
intercede pro nobis ad Dominum
JESUM Chriſtum, ut à morte ſubitane
peſte, morbo epidemiæ & à morte
perpetua liberari mereamur,

officia

(33) (+) (55)
H Y M N U S
De B. JOANNE CANTIO

Inclitum R.gni Columen Poloni,
Magne D.ctorum Pater, alme CANTIO,
Lechicos inter radians Patronos.

Posce Tonantem

Silū ut claras rotat orbis ignes,
Sic micat nostro tua lux in orbe,
Notū ut Princeps superat minores,

Cynthia flammam

Grande Virtutum teneris ab annis,

Te iubar, cinxit, vivique dotos,

Pectoris, devotaque mens profundo

Numine mersa,

Regia Magni Jagelonis Aula,

Diva quam Pallas, Cracidos beatis

Incolit tectis, Lapis angulari,

Atque Columna est.

Te Saphūm mitra, viridesque laurus,

Quas tua frontis nive consecrasti,

Pradicant unum; tibi de tuque

Munere vivunt.

Terna te laurus triplici coronans

Fronde, montani positum sub umbra,

Jam perennantis beat ut sitisti

Pignore laudis.

*Arte Cœlesti probitatu in te,
Norma formata est; voluntq; pingi
In tuo primùm speculo, togata*

Regula vita.

*Asperi carnem domuere cultus;
Cor tibi flammis amor ussit ingens;
Divitiis praeda data vestis inflat*

Cessit & esca.

*Sapientius vestes tulit indigentum;
Nuditas, qua cor tibi lancinabat
Quo tegi nudum tibi Christus ipse,
Reddit amicum.*

*Virginum Virgo tibi destinatum
Contulit vite decus innocentis;
Dum tibi castam posuit virgentem
Fronte coronam.*

*Addidit pennas tibi vis amoris,
Ad viam Sacri properans Sepulchri;
Æstuans longè perfitas salutem
Curris ad undas.*

*Dulcis est visus tibi sudor cunni,
Arctius qui te superis ligabat,
Vultu mundi comitata multo,
Ille voluptas.*

*Noctium Sacras, vigilisque curas,
Eam meus corcui superabat ardor;
Tanta de Cælo tibi gratiarum
Copia fluxit.*

Hinc tibi sensus humiles placentque
Ima contemptus, tumidusque iact
Vincitur sapius, pede mortis atra
Colla premente;

Bethleem dum sol oritur tenellus,
Occidit sydus Lechie coruscum;
Fasciis carum tenuit JOANNEM
Te DELLS infans.

Sic vetus transit rigor, in beata
Gaudium vitæ, grave sed relictis
Vulnus basisset nisi sacra nobis
Busta didisses.

Mira quævis grati data vii odoris,
Et solum latè reficit, Polumque,
Ad tuos dum tot cineres stupenda
Computat acta.

Vota quot plebis, pia tot fatentur,
Luxque cū Sacrum tumulum perennis,
Quam preces semper ventas petentum
Pronus ad omnes.

Ergo Lechei diadema Regni
Protege & summes Pater alme fasces,
Regia nam te posuit Patronum
Numen in urbe.

Vindices iras, solii tremendi
Tolle, placando; dabit hoc petenti
Summa Majestas, redeatque Cæli
Pax bona per te.


*Cracii Muls favēas Lycei;
Magnas in Regno Lechia Patronus;
In tuo natos gremio Parentum
Optime serva.*


*Mentium lumen, sapientiæq;
Impetra nobis jular, ut beato,
Lucis aterna potiamur omnes,
Te Duce Regno.*


Oratio ad eundem D. Patronum.


O Præclarum, & ingens exemplar vè-
ræ humilitatis, & summe contem-
ptor mundi vanitatis, B. IOANNE
CANTI, Doctor pacis, & tranquillita-
tis vitæ Christianæ, auctor misericordiæ
& condolentiæ super miseria proximorum
oro te per ista dona, quæ tibi sunt
DEO concessa, ut intercedas pro nobis
in istis vitæ periculis constitutis: sit in
castitate, atque humilitate, & amor
Dei proximique viventes, rectâ cōscientiâ
& exemplo sanctæ vitæ, aliisque
præluceamus; ac Domini no-
stri IESU Christi, per solius
meritum & gratiam, pro
missionibus digni
efficiamur Amen.


2
ve
m
NE
ta
dia
m
t
ob
t il
on
t à
è




















Ho. Wm. T. Jacobo & Co

